

王國維遺書

此因非通行之字...  
漢代所存...  
此亦所...  
今...  
...  
...  
...

王國維遺書

王國維遺書

第八冊

上海書店出版社

今本竹書紀年疏證



昔元和惠定宇徵君作古文尚書考始取偽古文尚書之事實  
文句一一疏其所出而梅書之偽益明仁和孫頤谷侍御復用  
其法作家語疏證吾鄉陳仲魚孝廉叙之曰是猶捕盜者之獲  
得真贓誠哉是言也余治竹書紀年既成古本輯校一卷復怪  
今本紀年為後人蒐輯其跡甚著乃近三百年學者疑之者固  
多信之者亦且過半乃復用惠孫二家法一一求其所出始知  
今本所載殆無一不襲他書其不見他書者不過百分之一又  
率空洞無事實所增加者年月而已且其所出本非一源古今  
雜陳矛盾斯起既有違異乃生調停紛糾之因皆可剖析夫事  
實既具他書則此書為無用年月又多杜撰則其說為無徵無  
用無徵則廢此書可又此疏證亦不作可也然余懼後世復有  
陳逢衡輩為是紛紛也故寫而刊之俾與古本輯校並行焉丁  
巳孟夏海甯王國維



今本竹書紀年疏證卷上

海甯 王國維

黃帝軒轅氏

杜預春秋經傳集解後序云紀年篇起自夏殷周音書宋曾傳云紀年十三篇記夏以來惟史記魏世家集解引和嶠云紀年起自黃帝

母曰附寶見大電繞北斗樞星光照郊野感而孕二十五月而生帝於壽邱弱而能言龍顏有聖德劾百神朝而使之應龍攻蚩尤戰虎豹熊羆四獸之力以女魃止淫雨天下既定聖德光被羣瑞畢臻有屈軼之草生於庭佞人入朝則草指之是以佞人不敢進

以上出宋書符瑞志 案宋志此節雜宋大戴五帝德春秋元命苞山海經史記五帝本紀帝王世紀諸書為之但偽為附志者實繁宋志故但引宋志證之不復旁及他書以下放此

元年帝即位居有熊

白虎通爵篇黃帝有天下疏為有熊史記五帝本紀集解照周曰黃帝有熊國君少典之子也

初制冕服

易繫辭傳黃帝舜垂衣裳而天下治士冠禮疏引世本黃帝作冕旒

二十年景雲見

藝文類聚一太平御覽七十一引春秋演孔圖黃帝將興黃雲升於天上左傳昭十七年疏引服虔曰黃帝將興有景雲之瑞



以雲紀官

左氏昭十七年傳音者黃帝氏以雲紀故為雲師而雲名

有景雲之瑞赤方氣與青方氣相連赤方中有兩星青方中有一星凡三星皆黃色以天清明時見於攝提名曰景星帝黃服齋於宮中坐於元扈洛水之上有鳳皇集不食生蟲不履生草或止帝之東園或巢於阿閣或鳴於庭其雄自歌其雌自舞麒麟在囿神鳥來儀有大螻如羊大蟻如虹帝以土氣勝遂以土德王

宋書符瑞志

五十年秋七月庚申鳳鳥至帝祭於洛水

宋書符瑞志五十年秋七月庚申天霧三日三夜云云均見附注此條即隱括為之

庚申天霧三日三夜晝昏帝問天老力牧容成曰於公何如天老曰臣聞之國安其主好文則鳳皇居之國亂其主好武則鳳皇去之今鳳皇翔於東郊而樂之其鳴音中夷則與天相副以是觀之天有嚴教以賜帝帝勿犯也召史卜之龜焦史曰臣不能占也其問之聖人帝曰已問天老力牧容成矣

史北面再拜曰龜不違聖智故焦霧既降游於洛水之上見

大魚殺五牲以醮之天乃甚雨七日七夜魚流於海得圖書

為龍圖出河龜書出洛赤文篆字以授軒轅接萬神於明庭

今塞門谷口是也

宋書符瑞志

五十九年貫胸氏來賓

山海經海外南經注引尸子曰四夷之民有貫胸者有深目者有長脰者黃帝之德常致之路

史後紀五注引長脰作長股乃此條所本

七十七年昌意降若居水產帝乾荒

海內經注引古本紀年無年數

一百年地裂

開元占經四引尚書說黃帝將亡則土裂

帝陟

戴記五帝德黃帝生而人得其利百年史記五帝本紀集解魏聚十一御覽七十九引帝王世紀黃帝在位百年而崩

帝王之崩皆曰陟

韓昌黎集黃陵廟碑引紀年帝王之崩曰陟不云出注中

以土德王應地裂而陟葬羣臣有左徹者感恩帝德取衣冠

几杖而廟饗之諸侯大夫歲時朝焉

御覽七十九引抱朴子汲冢中竹書言黃帝既仙去其臣有左徹者削木為黃帝之象帥諸

侯朝奉之故司空張茂先撰博物志亦云黃帝仙去其臣思戀罔極或刻木立像而朝之或取其衣冠而葬之或立廟而四時祀之上注節本此

帝摯少昊氏

約案帝摯少昊氏

左氏昭十七年傳我高祖少暉摯之立也

母曰女節見星如虹下流華渚

既而夢接意感生少昊登帝位有鳳皇之瑞

出宋書符瑞志

或曰名清

不居帝位帥鳥師居西方以鳥紀官

逸周書書麥解黃帝乃命少暉清曰馬鳥師以正五帝之官故名曰質漢書律歷志引帝考德

曰少昊曰清

帝顓頊高陽氏

母曰女樞見瑤光之星貫月如虹感已於幽房之宮生顓頊

於若水首戴干戈有聖德生十年而佐少昊氏二十而登帝

位

宋書符瑞志

元年帝即位居濮

左昭十七年傳衛顓頊之虛也故曰帝邱注衛今濮陽縣史記五帝本紀集解引皇甫謐曰顓頊都帝邱今東郡濮陽是也

十三年初作歷象

漢書藝文志顓頊歷二十一卷

二十一年作承雲之樂

呂氏春秋古樂篇顓頊乃命飛龍作效八風之音命之曰承雲

三十年帝產伯鯨居天穆之陽

大荒西經注引竹書曰顓頊產伯鯨是維若陽居天穆之陽無年

七十八年帝陟

史記五帝本紀集解類聚九御覽七十  
九引帝王世紀顧頊在位七十八年

術器作亂卒侯滅之

海內經共工生術器術器首方顛足履上環以處江水周語注實侍中云共工諸侯  
炎帝之後晏姓也顧頊氏衣共工氏陵諸侯與高辛氏爭而王也或云共工堯時

諸侯為高辛所滅昭謂言為高辛所滅安得為堯諸侯又堯  
時共工與此異也維案此條實據海內經與周語注為之

帝譽高辛氏

生而駢齒有聖德初封辛侯代高陽氏王天下使替人拊鞞

鼓擊鐘磬鳳皇鼓翼而舞

出宋書符瑞志惟志  
無初封辛侯四字

元年帝即位居亳

尚書序湯始居亳從先王居孔傳契父帝譽都  
亳水經穀水注引皇甫謐曰帝譽作都於亳

十六年帝使重帥師滅有鄆

逸周書史記解昔有鄆君禽儉滅爵損祿奪臣卑讓上下不臨後  
小弱禁罰不行重氏伐之鄆君以亡案重氏蓋國名作偽者刪氏字

以為重象之重  
遂繫之帝譽時

四十五年帝錫唐侯命

六十三年陟

御覽八十引陶宏景云帝譽在位六十三年路史後紀九亦云帝六十有三載崩此條本  
之史記集解類聚九引帝王世紀則云帝譽在位七十年御覽八十引又作七十五年

帝子摯立九年而廢

史記索隱引衛宏云摯立九年正義及御  
覽八十引帝王世紀亦云摯在位九年

帝堯陶唐氏

母曰慶都生於斗維之野常有黃雲覆其上及長觀於三河常有龍隨之一旦龍負圖而至其文要曰亦受天祐眉八采鬚髮長七尺二寸面銳上豐下足履翼宿既而陰風四合赤龍感之孕十四月而生堯於丹陵其狀如圖及長身長十尺有聖德封於唐夢攀天而上高辛氏衰天下歸之

出宋書符瑞志

元年丙子

隋書律歷志路史後紀十注引古本紀年

帝卽位居冀

左氏哀六年傳引夏書惟彼陶唐帥彼天常有此冀方偽書五子之歌同

命羲和歷象

書堯典乃命羲和欽若昊天歷象日月星辰

五年初巡狩四岳

書舜典五載一巡狩此蓋據舜典推之

七年有麟

路史後紀十堯在位七年麒麟游於藪澤棠拾遺記一堯在位七十年有鸞雛歲歲來集麒麟游於藪澤路史本之而謂七十年為七年偽紀年遠云七年有麟矣

十二年初治兵

十六年渠搜氏來賓

書禹貢織皮晁晁析枝渠搜而戎卽殺

十九年命共工治河

書堯典共工方鳩僝功鄭注共工水官名周語昔共工并是道也庚子湛樂淫失其身欲壅防百川墮高墮庫以害天下是共工本是水官又曹治水故遂有先鯀治河

祝之

二十九年春樵僂氏來朝貢沒羽

類聚十一御覽八十引帝王世紀堯時樵僂氏來貢沒羽

四十二年景星出於翼

初學記九御覽八十又八百七十二八百九十三引尚書中候帝堯即政七十載景星出翼論術是應篇引作堯時景星見于軫公羊傳宣二年疏引春秋感

精符滅蒼者翼也彼注云堯翼星之精在南方其色赤

五十年帝游于首山

文選宣德皇后令注御覽八十路史餘論七引論語比考識堯率舜游首山

乘素車玄駒

文選命論注初學記九又二十四御覽八十引尸子君天下者麒麟青龍而堯素車玄駒五帝德堯丹車白馬五帝本紀堯彤車乘白馬

五十三年帝祭于洛

初學記六又九引尚書中候堯率羣臣東沈璧于洛

五十八年帝使后稷放帝子朱于丹水

海內南經注引古本紀年后稷放帝朱於丹水史記五帝本紀及高祖本紀正義引后稷放帝

子丹

六十一年命崇伯鯀治河

周語其有虞有崇伯鯀播其淫心稱遂共工之過

六十九年黜崇伯鯀

書堯典帝曰咨四岳湯湯洪水方割湯蕩懷山襄陵浩浩滔天天下民其咨有能俾乂會曰於鯀哉帝曰往欽哉九載績用弗成是鯀治水凡九載但此實以六十九年則

矣

七十年春正月帝使四岳錫虞舜命

書堯典帝曰朕在位七十載汝能庸命異朕位岳曰否德忝帝位曰明明揚側陋師錫帝曰有鰥在下曰

荒上

四

帝在位七十年景星出翼鳳皇在庭朱草生嘉禾秀甘露潤醴泉出日月如合璧五星如連珠廚中自生肉其薄如筴搖動則風生食物寒而不臭名曰筴脯又有草夾階而生月朔始生一莢月半而生十五莢十六日以後日落一莢及晦而盡月小則一莢焦而不落名曰蓂莢一曰歷莢洪水既平歸功於舜將以天下禪之乃潔齋修壇場於河洛擇良日率舜等升首山遵河渚有五老游焉蓋五星之精也相謂曰河圖將來告帝以期知我者重瞳黃姚五老因飛為流星上入昴二月辛丑昧明禮備至於日昃榮光出河休氣四塞白雲起回風搖乃有龍馬銜甲赤文綠色緣壇而上吐甲圖而去甲似龜背廣九尺其圖以白玉為檢赤土為柙泥以黃金約以青繩檢文曰閭色授帝舜言虞夏當受天命帝乃寫其言藏

於東序後二年二月仲辛率羣臣東沈璧於洛禮畢退俟至  
於下昃赤光起元龜負書而出背甲赤文成字止于壇其書

言當禪舜遂讓舜

出宋書符瑞志

七十一年帝命二女嬪于舜

書堯典釐降二女于媯汭嬪于虞

七十三年春正月舜受終于文祖

書舜典帝曰格汝舜詢事考言乃言底可績三載汝涉帝位舜讓于德弗嗣正月上日受終于文祖

七十四年虞舜初巡狩四岳

尚書大傳維元祀巡狩四嶽八伯鄭注祀年也元年謂月正元日舜假于文祖之年也此以為受終文祖之後一年

七十五年司空禹治河

書舜典伯禹作司空

七十六年司空伐曹魏之戎克之

呂氏春秋呂類為高攻曹魏屈鷲有扈以行其教

八十六年司空入覲贊用玄圭

書禹貢禹錫玄圭告厥成功史記河渠書引夏書禹抑洪水十三年此司空禹治河在七十五年入覲在八十六年蓋本之

八十七年初建十有二州

書舜典肇十有二州

八十九年作游宮于陶

史記貨殖傳昔堯作游成陽如滿曰作起也成陽在定陶

九十年帝游居于陶

史記五帝本紀堯立七十年得舜二十年而老

九十七年司空巡十有二州

吳越春秋四堯疏禹曰伯禹官曰司空領統州伯以巡十二部



一 百年帝陟于陶

案史記五帝本紀論衡氣壽篇帝王世紀皆云堯在位九十八年然據虞書云朕在位七十載此堯舉舜之歲又云詢事考言乃言底可績三載汝陟帝位此舜攝政之歲又云二

十有八載帝乃殂落此堯崩之歲前後得一百一年孔傳與王肅注以堯得舜試舜共在一年故堯在位百年此從之

帝子丹朱避舜於房陵舜讓不克承朱遂封於房為虞賓三

年舜即天子之位

路史後紀十帝崩虞氏國之於房為房侯

帝舜有虞氏

母曰握登見大虹意感而生舜於姚墟目重瞳子故名重華

龍顏大口黑色身長六尺一寸舜父母憎舜使其塗廩自下

焚之舜服鳥工衣服飛去又使浚井自上填之以石舜服龍

工衣自傍而出耕於歷夢眉長與髮等遂登庸

出宋書符瑞志但志無來三字

元年己未帝即位居冀

左傳哀六年注唐虞夏皆都冀方

作大韶之樂

書益稷篇韶九成類聚十一御覽八十一引帝王世紀乃作大韶之樂

即帝位冀莢生於階鳳皇巢於庭擊石拊石以歌九韶百獸

率舞景星出於房地出乘黃之馬

出宋書符瑞志